




浙江圖書館




浙江圖書館



浙 江 圖 書 館



浙江圖書館



周禮說卷之五

封人

中士四人下士八人府二人史四人胥六人徒六十人

掌設王之社

壇為畿封而樹之凡封國設其社稷之壇封其

四疆造都邑之封域者亦如之令社稷之職凡

祭祀飾其牛牲設其楅衡置其綏共其水稟歌

舞牲及毛炮之豚凡喪紀賓客軍旅大盟則飾

其牛牲

壇壇外之四邊不云壇舉外以見內也王之

國外四面五百里各置畿限畿上皆為溝塹

其土而爲封又樹之木而爲阻固凡封國者
五等之國非一設其社稷之壇者王者封五
色土爲社建諸侯則各割其方色土與之使
立社燾以黃土苴以白茅茅取其潔黃取王
者覆四方都邑謂大都小都家邑三等采地
也令社稷之職春秋祭社令諸有事于社稷
者也郊特牲曰唯爲社事單出里唯爲社田
國人畢作唯爲社丘乘共粢盛所以報本反
始也水藁牛牲以藁藉以水洗歌舞謂君牽

牲入時隨後歌舞云博碩肥腍以歆神也毛

始也水藁牛牲以藁藉以水泚歌無知也
牲入時隨後歌舞云博碩肥腍以歆神也毛
炮豚者爛去其毛而炮之以備八珍也王氏
曰封人主封土而兼牛牲人君之孝在得人
和以保社稷而物次之

鼓人

中士六人府二人少二人徒二十人
舞師下士二人胥四人舞徒四十人

掌教

六鼓四金之音聲以節聲樂以和軍旅以正田
役教爲鼓而辨其聲用以雷鼓鼓神祀以靈鼓
鼓社祭以路鼓鼓鬼享以鼗鼓鼓軍事以鼙鼓
鼓役事以晉鼓鼓金奏以金錞和鼓以金鐃節

鼓以金鐃止鼓以金鐸通鼓凡祭祀百物之神
鼓兵舞帔舞者凡軍旅夜鼓鼙軍動則鼓其衆
田役亦如之救日月則詔王鼓大喪則詔太僕
鼓

音聲者六鼓四金與音聲和合也鼓無當于
五聲五聲不得則不節軍旅田役爲坐作進
退之節使耳目服習也教者教擊鼓大小之
數又別其聲之所用如下文是也神祀天神
大小祀也社祭地祇大小祭也鄭謂雷鼓八

面鼓靈鼓六面鼓似教擊難施用豈雷鼓法
天靈鼓法地而名與路鼓大鼓王用器皆言
路享宗廟用之鼗從賁氣盛意長八尺鼓軍
軍以氣盛爲壯也鼗從咎與臯通長丈二尺
取聲長遠聞用鼓後節力晉鼓長六尺聲疾
短聞凡樂作擊徧鍾則用之左傳所謂金奏
作于下也此六鼓之聲用錚錚于也圜如錐
頭大上小下樂作鳴之與鼓和鐻鉦也形如
小鍾軍行鳴之爲鼓節鐻如鈴無舌有柄執

而鳴之以止鼓鐸大鈴振之以通鼓此四金之聲用祭百神能庇民者舞以兵干戚也能發育如社者舞以帔帔列五彩繒爲之有秉當舞之時則擊鼓以應其節也鑿夜戒守鼓也在軍警戒急在于夜故鼓鑿鑿鼓以警衆也司馬法曰昏鼓四通爲大鑿軍動者將臨陳之時則擊鼓以作士衆之氣曹劇云一鼓作氣也日月食時鼓人詔告于王王必親擊聲急大異以助陽也大僕始崩及寔時主戒鼓

傳達于四方也王氏曰夫司樂一官專掌樂

傳達于四方也王氏曰夫司樂一官專掌樂

舞之事而鼓舞屬地官者大司樂所教為國

子鼓人舞人所教則國中鄉遂之人也易曰

鼓之舞之以盡神故司徒特設官焉

舞師

下士二人胥四人舞徒四十人

掌教兵舞帥而舞山川之

鼓舞原為教設俞移

祭祀教帗舞帥而舞社稷之祭祀教羽舞帥而

春官未是

舞四方之祭祀教皇舞帥而舞旱暵之事凡野

舞則皆教之凡小祭祀則不與舞

舞師所教六鄉六遂之民也賈氏曰掌教兵

舞謂教野人使知之國有祭山川則舞師還
領往舞以下皆然兵舞于戚用于山川扞菽
也帔舞以采繒爲飾用于社稷夜除也羽舞
柝白羽爲飾用于四方取翼菽也皇舞備五
色象鳳用于旱暵之事取陰陽和也官舞徒
四十此外野人欲學者皆教之以待其闕小
祭祀禮不備則無舞

牧人

下士六人府一人
史二人徒六十人

掌牧六牲而阜蕃其物

以共祭祀之牲牲凡陽祀用騂牲毛之陰祀用

黝牲毛之望祀各以其方之色牲毛之凡四時

黝牲毛之望祀各以其方之色牲毛之凡四時
事之牲必用牲物凡外祭毀事用尫可也凡祭
祀共其犧牲以授充人繫之凡牲不繫者共奉
之

六牲牛馬羊豕犬雞也始養曰畜擇而將用
曰牲體完具曰牲亦毛純無雜之稱阜盛蕃
息掌牧六牲者五官屬選擇所畜可爲牲者
入牧人掌牧而阜蕃之陽祀天神宗廟之祀
騂盛陽色陰祀北郊社稷之祀黝盛陰色五

嶽四鎮四瀆方之色東青南赤西白北黑中
 黃也毛之取毛純外祭謂表貉及王巡守所
 過之山川毀祭謂招梗檜穰以毀除災咎者
 尤雜色外祭事遽毀祭事畧不純可也犧牲
 牲之中犧者授充人殊養之帝牛在滌三月
 是也不繫者不授充人

牛人

中士二人下士四人府二人
史四人胥二十人徒二百人

掌養國之公

牛以待國之政令凡祭祀共其享牛求牛以授
 職人而芻之凡賓客之事共其牢禮積膳之牛

養食賓射共其膳羞之牛軍事共其槁牛喪事

職人而芻之凡賓客之事共其牢禮積膳之牛
饗食賓射共其膳羞之牛軍事共其槁牛喪事
共其奠牛凡會同軍旅行役共其兵車之牛與
其牽傍以載公任噐凡祭祀共其牛牲之互與
其盆祭以待事

享牛正祭之牛求牛繹祭之牛職作楫繫牛
者凡牲堪祭祀者牛人選入牧人牧人乃授
充人繫養之牢禮殮養也積所以給賓客之
用膳所以問禮賓客大行人掌客云上公殮
五牢養餼九牢五積侯伯殮四牢養餼七牢

四積子男飧三牢饗餼五牢三積積之多少
各視飧牢其膳則五等諸侯皆大牢饗者亨
大牢以飲賓獻依命數食者亦亨大牢以食
食禮九舉七舉五舉亦依命數無酒獻酬耳
皆在於朝以速賓射者謂大射及與賓客射
於朝天子諸侯射先行燕禮皆有殺俎故有
牛也犒牛犒師之牛奠牛殷奠遣奠所用也
牽徬在轅外輓牛也人御之居其前曰牽居
其旁曰徬任猶用也互所以懸肉格盆所以

其旁曰僨任猶用也互所以懸肉格盆所以
盛血槃爓所以受肉籠也

充人

下士二人史二人胥四人徒四十人

掌繫祭祀之牲拴祀五

帝則繫于牢芻之三月享先王亦如之凡散祭

祀之牲繫于國門使養之展牲則告拴碩牲則

贊

圖

充養也牛大牲特設官繫郊廟犧牛養之致

誠敬也五帝先王之祀享大祭也其牲繫于

牢閑則充人躬親養也司中司命山川之屬

散祭也其牲繫于國門則使守門者養之也

展牲玄謂若今夕牲是也記曰宗人視牲告
 充舉獸尾告備贊謂君牽牲入則助持之王
 氏曰物之初生養于冬官使得其性而蕃息
 至將為犧養于牧人充人以盡孝誠之道及
 祭共之五官以盡忠敬之心畜牧一事曲盡
 其道如此

載師

上士二人中士四人府二人
史四人胥六人徒六十人

掌任土之法

以物地事授地職而待其政令以廛里任國中
 之地以場圃任園地以宅田士田賈田任近郊

之地以官田牛田賈田牧田任遠郊之地以公

之地以官田牛田賞田牧田任遠郊之地以公
邑之田任甸地以家邑之田任稍地以小都之
田任縣地以大都之田任畺地凡任地國宅無
征園廛二十而一近郊十一遠郊二十而三甸
稍縣都皆無過十二唯其漆林之征二十而五
凡宅不毛者有里布凡田不耕者出屋粟凡民
無職事者出夫家之征以時徵其賦

任土之法見下文以物地事者卽土宜之法
所謂十二壤各有所宜也授地職者卽九職

任萬民也政事卽辨土授職等事古之養民也辨其土宜授以職事后世于民聽其自生自謀職事而又從而征歛之擾之古今父母斯民之心異矣吳氏曰廛里邑里之居也圃者樹果蔬之地中爲塲焉宅田者致仕者所受之田士田者仕者所受之田卽圭田也賈田者市賈之人所受田也官田庶人在官者其家所受之田也牛田牧田畜牧者之家所受田也賞田賞賜有功之田也公邑之田謂

六遂餘地天子使大夫治之者家邑之田謂

受田也賞田賞賜有功之田也公邑之田謂

六遂餘地天子使大夫治之者家邑之田謂
大夫之采地小都之田卿之采地大都之田
公之采地王子弟所食邑也置地謂五百里
王圻界也諸地皆言任者地之形實不方平
如圖受田邑者遠近不得盡如制其所生育
賦貢取正於是耳以上言任地以下言任地
之稅凡任土制賦之法官所官室皆無征税
園少利廛無穀故二十分而稅其一近郊十
分取其一比園廛爲重矣遠郊二十分取其

三比近郊又重矣甸稍縣都皆十分取其二
比遠郊又重矣漆林之利重故二十分取其
五所以抑末作也不毛者不種桑麻也布泉
也宅不樹桑麻者罰之使出一里二十五家
之泉布所以勸織也三夫爲屋田不耕者罰
之使出二家之稅粟所以勸耕也民無職事
者謂游惰者游惰之民罰之使出一夫百畝
之稅一家力役之征所以勸其勤生也有水
澤之處爲漆漆澤所產之魚王山林所產之

材木此皆不用人力而自然之利故二十而

澤之處處爲漆漆澤所產之魚王山林所產之
材木此皆不用人力而自然之利故二十而
稅五魏氏曰載師主任土因土宜任以事取
其稅而教化在其中後世聽民自生乃惟聚
歛是急而不恤其困則戚矣

閭師

中士二人史二人徒二十人

掌國中及四郊之人民六

畜之數以任其力以待其政令以特徵其賦凡
任民任農以耕事貢九穀任圃以樹事貢草木
任工以飭材事貢器物任商以市事貢貨賄任
牧以畜事貢鳥獸任嬪以女事貢布帛任衡以

山事貢其物任虞以澤事貢其物凡無職者出夫布凡庶民不畜者祭無牲不耕者祭無盛不樹者無椁不蠶者不帛不績者不衰

閭師以周知閭閻情偽爲閭胥所取法而名鄉有州黨族比獨閭有師者徵民賦宜親民者也載師任土國中及疆皆土也閭師任民三農及無常職皆民也凡民以職業爲生以六畜爲助六畜者營作之本以此任其力以此待其政令以此徵其賦皆視六畜之蕃否

如何下文乃以九職任民并徵賦之事九等

此待其政令、以此徵其賦皆視六畜之類、
如何下文乃以九職任民并徵賦之事九等
之民卽以所職之財充賦非九職之外別有
貢也鮮見太宰但此文次第與彼不同彼以
事大小爲次此欲見事無常也彼九職并山
澤爲一而此分爲二彼九職有臣妾有閒民
此疏材無稅閒民以其出夫家之征故于此
不言之上文閭師掌民六畜之數此又及樹
藝樹之材木者宮室棺槨之用也樹之桑柘
者蠶也樹之麻者績也皆天地自然之利也

先王教民務本以為為善之資職事之外又
 令勤于樹畜其有不然定為六者之罰先王
 視一民不得其所若已推而納諸溝中所以
 教導防範之意切矣曲成不遺王道大矣哉

縣師

上士二人 中士四人 府二人 史四人 胥八人 徒八十人

掌邦國都鄙

稍甸郊里之地域而辨其夫家人民田萊之數
 及其六畜車輦之稽三年大比則以考群吏而
 以詔廢置若將有軍旅會同田役之戒則受法
 于司馬以作其象廢及馬牛車輦會其車人之

卒伍使比自備旗鼓兵器以帥而至凡造都邑量

卒伍使皆備旗鼓兵器以帥而至凡造都邑量其地辨其物而制其域以歲時徵野之賦貢

縣師之官自邦國以及四郊民徒賦貢是其所主于土地荒闢人畜登耗之殿最卑察之三年則以考校主民之群吏辨其功過以詔王廢置國將有師田行役之事則先于司馬處受出軍多少及法式以作起其衆庶族師合民之卒伍司右合車之卒伍此皆會之兵調不屬司馬屬司徒者古兵出於農司馬調

兵必司徒致之以防微也造都邑遼人辨物

司空營土以司徒主地縣師與焉閭師徵國

中四郊之賦待稍秣縣師徵甸稍縣都之賦

當匪頒工幣祭祀也存其餘旅師以振民

遺人

中士二人下士四人府二人史四人胥四人徒四十人

掌邦之委以

待施惠鄉里之委積以恤民之艱阨門關之委

積以養老孤郊里之委積以待賓客野鄙之委

積以待羈旅縣都之委積以待凶荒凡賓客會

同師役掌其道路之委凡國野之道十里有廬

舒謂遺人與倉廩人同應言

廬有飲食三十里有宿宿有路室路室有委五

廬有飲食三十里有宿宿有路室路室有委五
十里有市市有侯館侯館有積凡委積之事巡
而比之以時頒之

委積謂當年所稅多少總會數于上計一年
足用外其餘隨便留之以待用也少曰委多
曰積鄉六鄉里國中恤難阨司救歲時有天
災民病巡國中及郊以王命施惠門闕有財
物犯禁者舉之以其財養死政之老與其孤
以人所出入取廩餼易也郊民所居其委積

以待賓客賓客至郊與主國使者交接卽與之廩餼野鄙甸稍地羈旅過行寄止不得前者以待之凶荒裁大爲費奢縣都地廣所積厚乃可相待道路之車徒多稟費廣也廬置郵爲候徒憇息飲食待饑渴也宿謂可止宿處委供飼秣也市便交易侯館謂館樓可登望者積備饗餼也吉行五十里師行三十里故以爲節遠處湏多故有積近處湏少故有飲食及委也察侵牟考羸乏時當用而頒之

飲食及委也察侵牟考贏乏時當用而領之

王氏曰遺人會同師役之委積邦之大用不
領於大府者大府主邦中經賦之用有品式
式用之餘所餘猶多則隨道里之便收貯之
卒然有急而用可無乏兼無餽餉芻輓之勞
是以雖行千里而若衽席上過師也

均人

中士二人下士四人府
二人胥四人徒四十人

掌均地政均地守

均地職均人民牛馬車輦之力政凡均力政以
歲上下豐年則公旬用三日焉中年則公旬用
二日焉無年則公旬用一日焉凶札則無力政

無財賦不收地守地職不均地政三年大比則
大均

政作征地守如衡虞之屬地職卽九職所任
者力征則人民之工作牛車之轉輸是也旬
均也公旬謂公家所均賦者人食四鬴之歲
用民力歲不過三日人食三鬴之歲只二日
人食一鬴之歲只一日若食不能人二鬴則
弛力薄征凶札之歲旣無地征不收則不必
均至三年必合無年有年大均計之恐久不

均至三年必合無年有年大均計之恐久不
修則數或闕也

師氏

中大夫一人上士二人府二人史二人
二人胥十有二人徒百有二十人掌以媿

詔王以三德教國子一曰至德以爲道本二曰
敏德以爲行本三曰孝德以知逆惡教三行一
曰孝行以親父母二曰友行以尊賢良三曰順
行以事師長居虎門之左司王朝掌國中失之
事以教國子弟凡國之貴遊子弟學焉凡祭祀
賓客會同喪紀軍旅王舉則從聽治亦如之使
其屬帥四夷之隸各以其兵服守王之門外且

蹕朝在野外則守內列官

文王世子曰師也者教之以事而諭諸德者也媿美也以媿詔王猶陳善納誨之意下文司王朝王舉則從皆爲詔媿故也國子公卿大夫元士之適子也而世子亦齒焉以學君臣父子長幼之道也德之至者出于自然與道合體德之敏者日進无彊行必有成德之孝者其心和順不爲逆惡三德皆根于心三行皆本于孝周時學術明故教法有本也虎

門路寢門也王日視朝于路寢門外畫虎焉

行此自本于孝周時學術明故教法有本也虎
門路寢門也王日視朝于路寢門外畫虎焉
以示猛于守宜也司猶察也察王之言動有
善道則以詔焉中謂事之中禮者失謂事之
失禮者以中失教國之子弟以其將有天下
國家之責也貴游子弟宿衛王宮者也使之
從師氏以學焉則知納君於善而不敢導君
於惡矣王行則從欲朝夕納誨也蹕止行人
不得近王宮也內列謂蕃營之在內者也守
之亦如王宮吳氏曰是師氏於國之子弟在

王所者無一不善而正言正行日接於聞見之素則王之詔媿未為至而養成君德於燕閒之際其為詔媿也大矣

保氏

下大夫一人中士二人府二人史二人胥六十徒六十人

掌諫王惡而

養國子以道乃教之六藝一曰五禮二曰六樂

三曰五射四曰五馭五曰六書六曰九數乃教

之六儀一曰祭祀之容二曰賓客之容三曰朝

廷之容四曰喪紀之容五曰軍旅之容六曰車

馬之容凡祭祀賓客會同喪紀軍旅王舉則從

聽治亦如之使其屬守王闕

馬之容凡祭祀賓客會同喪紀軍旅王舉則從

聽治亦如之使其屬守王闢

諫王惡者繩愆糾繆之意文王世子曰保也
者保其身以輔翌之而歸諸道者也養國子
以道而又以藝與容者藝者道之寓使之得
於手而應乎心容者道之發使之根於心而
生於色莫非養其道心之方也五禮吉凶軍
賓嘉也六樂雲門大咸大韶大夏大濩大武
也五射白矢參連剡注襄尺井儀也五馭鳴
和鸞逐水曲過君表舞交衢逐禽左也六書

象形會意轉注處事假借諧聲也九數方田
粟布差分少廣商功均輸方程贏朒方程勾
股也祭祀之容穆穆皇皇賓客之容嚴恪矜
莊朝廷之容濟濟蹒蹒喪紀之容纍纍顛顛
軍旅之容暨暨詒詒車馬之容匪匪翼翼吳
氏曰禮本乎中樂本乎和射本乎端馭本乎
正書本乎禮數本乎義是則六藝者非德而
何祭祀本乎敬賓客本乎和朝廷本乎肅喪
紀本乎哀軍旅本乎嚴車馬本乎謹是則六

儀者非行而何德行裏也藝儀表也養之以

紀本乎哀軍旅本乎嚴直馬本乎謹是則六
儀者非行而何德行裏也藝儀表也養之以
道而表裏俱善而保氏之教成矣

闡王宮中之巷門師氏以其屬守王中門之
外保氏以其屬守王巷門以親臣而兼守禦
之事以瓜牙之職付於腹心道義之臣此所
以無肘腋之患也

呂東萊曰師氏之官實居虎門之左而詔王
以徽者也其勢近其情親其言漸若江海之
浸膏澤之潤日加益而不知焉周公之設官

三百六十官掌一事一事必寓一意而師氏
實列地官之屬實周公致意之深者想夫成
周之法出入起居罔有不欽發號施令罔有
不臧師氏抑有助焉

葉氏曰以二官考之則皆守衛王宮者也其
教國子以德而養國子以道者亦皆守衛之
人居王之左右前後備王之顧問應對蓋已
循誘其善於嘿嘿之中而何以昌言爲哉然
師氏之教國子以德者乃其詔王媿也保氏

師氏之教國子以德者乃其詔王媿也保氏

之養國子以道者乃其諫王惡也師氏專詔以媿保氏專諫其惡是師氏之職尤重焉蓋必有師氏涵養於其先而保氏特正救於其後而已是以書言師氏必儕於虎賁綴衣之列詩言師氏必伍於膳夫趣馬之行但言師氏而不言保氏者誠以出入起居侍御僕從之時在王所而與爲善者師氏之功居多也一或有過則保氏從而正救之故曰掌諫王惡一言而已豈必如後世之以諫名官耶

司諫

中士二人史二人徒二十人

掌糾萬民之德而勸之朋

友正其行而強之道藝巡問而觀察之以時書其德行道藝辨其能而可任於國事者以考鄉里之治以詔廢置以行赦宥

吳氏曰德成乎朋友糾其德則使之勉而無渙散勸之朋友則使之致力以相輔行成乎道藝正其行則使之善而無奇邪強之道藝則使之自強而不息又必巡問觀察有德行道藝者書之以待實興有材能可任事者辨

之以待叙用也巡問觀察之間六鄉之吏治

道藝者書之以待實與有材能可任事者辨

之以待叙用也巡問觀察之間六鄉之吏治
可攷矣萬民之過失可知矣因以詔王從而
廢置赦宥所以糾吏而安民也

司救

中士二人史二人徒二十人

掌萬民之衰惡過失而誅

讓之以禮防禁而救之凡民之有衰惡者三讓
而罰三罰而士加明刑耻諸嘉石役諸司空其
有過失者三讓而罰三罰而歸于園土凡歲時
有天患民病則以節巡國中及郊野而以王命
施惠

吳氏曰以禮防之所以救其惡也禮文之中而誅讓防禁存焉斯民入于禮則出於刑矣
表惡在心故爲不善者也其臯重過失在事
誤陷於惡者也其臯輕讓責也以禮防禁不
遽加刑也民有表惡姑切責之責之至三而
不改姑又撻之撻之至三而不改然後加以
明刑去其冠飾而書其臯狀以示諸人又使
之坐于嘉石以耻辱之後諸司空以困苦之
過失輕於表惡故三讓三罰以啟其遷善改

過之心不加明刑不坐不役惟夜則收之園

過失輕於表惡故三讓三罰以啟其惡善改
過之心不加明刑不坐不役惟夜則收之園
土而已歲時有天患民病則以節巡行國中
及野外問民所疾苦或賜其衣服或濟以醫
藥皆以王命而施惠也

調人

下士二人史
二人徒十人

掌司萬民之難而諧和之凡

過而殺傷人者以民成之鳥獸亦如之凡和難
父之讐辟諸海外兄弟之讐辟諸千里之外從
父兄弟之讐不同國君之讐眡父師長之讐眡
兄弟主友之讐眡從父兄弟弗辟則與之瑞節

而以執之凡殺人有反殺者使邦國交讐之凡
殺人而義者不同國令勿讐讐之則死凡有鬪
怒者成之不可成者則書之先動者誅之

調和合也人有仇讐者以禮與法而諧和之

也王氏曰凡殺人若故殺若謀殺在法所不

赦過而殺傷人者如舉刃欲砍伐及以兵矢

投射誤中人者鳥獸謂畜產猛鷲殺傷人者

皆非故皆以民平之此應和不應讐者其餘

若戲殺若威逼殺上刑而當下服及老耄幼

弱與在八議者雖王法所原而孝子慈孫之

若戲殺若威逼殺上刑而當下服及老者縗
弱與在八議者雖王法所原而孝子慈孫之
情有不可解者則制爲辟讐之法焉父之讐
弗與共戴天兄弟之讐不同國從父昆弟之
讐不爲魁故避各不同國君讐眡父君至尊
也師長眡昆弟降於君主謂大夫君友謂朋
友瑞節玉節之刻圭也和之而弗肯避者是
不從王命也王以刻圭使調人執而付秋官
治其罪也反殺謂有復讐者又兩相交殺下
擅相殺不可以訓使一國之人交讐之交讐

交避流放之刑也。不同國三字衍。凡殺人而
義者弗避。亦令勿讐讐之。是讐天子之法而
戕奉法之吏法所必誅也。鬪怒者讐殺之。漸
故平之。書之者記其故爲辨。本葉氏曰。周人
設官謂之和難難者災青之謂也。民有災青
過爾故從而諧和之以調人。一職而繼於司
諫司牧之後。正以消弭其仇忿之風而養成
其渾厚之俗也。今日凡過失殺傷人者以民
成之。此在秋官司刺有過失之人皆在所宥。

也。先王固不忍其殺傷。然亦憫其過。誤故宥

成之此在秋官司刺有過失之人皆在所宥也先王固不忍其殺傷然亦憫其過誤故有調人以百姓成之而和解之又曰凡有鬪怒者成之不可成者則書之先動者誅之此在地官司馘有鬪囂之人皆在所禁也先王使之相愛豈能容其忿鬪故有調人爲兩家成之然鬪忿者難之細也成之可也君父兄弟師長主友有被人殺傷者而使勿復得無傷臣子僚友之義乎是故調人又有和難之說而使相辟凡此皆過誤殺傷在唐虞則有宥

過無大眚災肆赦之例在成周則有眚災極
辜時不可殺之例雖曰赦之聖人恐傷其臣
子僚友之義必使之辟而後可以無讐若夫
凡殺人者不書於士而自反殺之彼固有殺
人之罪此亦有專殺之非故又使邦國交讐
之是皆不可容於其國而使交相辟也然或
有非過誤殺人以其人之有惡而殺之合義
者如朝士所謂凡盜賊軍鄉邑及家人殺之
無罪之類是也然其人罪在可殺雖不以告

官而殺之而其義則非可讐言也讐言之則死是

無罪之類是也然其人罪在可殺雖不以告

官而殺之而其義則非可讐也讐之則死是不容其子孫之得相復也詳攷其官無非講解其難而開導其和使之不得胥戕胥虐其調伏人心涵養風俗者厚矣故官名曰調民難曰諧其意明甚儒者尚何疑乎

媒氏

下士二人史二人徒十人

掌萬民之判凡男女自成名

以上皆書年月日名焉令男三十而娶女二十而嫁凡娶判妻入子者皆書之中春之月令會男女於是時也奔者不禁若無故而不用令者

罰之司男女之無夫家者而會之凡嫁子娶妻
入幣純帛無過五兩禁遷葬者與嫁殤者凡男
女之陰訟聽之于勝國之社其附于刑者歸之
于士

媒謀也謀合二姓和成之判半也得耦爲合
傳曰夫妻判合成名者子生三月父名之書
之者爲他日合婚之地二三者天地相承覆
之數也男自二十至三十皆可娶女自十五
至二十皆可嫁聖人定爲中制以二三云合

體而成故曰判妻言已嫁者容媵姪娣不聘

至二十皆曰嫁聖人定爲中制以二二二二二二
體而成故曰判妻言已嫁者容媵姪娣不聘
故曰入子書之以別未成昏者仲春陰陽交
合之時順天時以成婚禮也奔卽奔則爲妾
之奔非淫奔也謂有喪禍或荒札此有故而
婚者不必拘以六禮而禁之惟無故而不用
禮乃罰之耳無夫家謂鰥寡會之使有所歸
成周之時外無曠夫內無怨女用此道也純
當作緇納幣用緇婦人陰也五兩十端也必
言兩者取配合之義雜記曰納幣一束束五

兩兩五尋也蓋五兩用五疋疋四丈從兩頭
卷之則五兩爲十端每端二丈也遷葬謂生
時非夫婦死旣葬則遷之而使相從也殤謂
十九以下未嫁而死者生不以禮相接死而
合之是亦亂倫故禁之蓋當時有是僞也陰
訟爭中冓之事以觸法者勝國亡國也亡國
之社屋之使無所通就之以聽陰訟不欲宣
露其醜猶召伯舍于蔽芾之棠而聽男女之
訟也若麗于罪者直歸于士而刑之不復以

聽葉氏曰每歲孟春令會男女而行昏娶之

聽葉氏曰每歲孟春令會男女而行昏娶之禮此常禮也苟有故不得行昏禮特以其凶荒札喪而不得備其禮爾豈若桑中之所謂奔乎故下文曰若無故而不用令者罪之是其無凶荒札喪之變有不待禮而相葬者則有罰也大司徒荒政七曰菁禮十曰多昏蓋國有凶荒則殺禮而多昏會男女之無夫家者故下文又曰司男女之無夫家者而會之則夫仲春之月苟有故而奔者雖不禁之不

亦可乎然而嫁子娶妻入幣無過五兩則是
婚姻之禮宜詳而嫁娶之儀實畧也畧其儀
而詳其禮此婚姻所以及時而男女所以得
正歟若夫男女之有陰訟必婚姻之有不得
其正者故聽之于勝國之社蓋以婚姻不正
喪國亡家之事故以示戒焉觀此則先王正
夫婦爲風天下之本亦可見矣

王氏曰調人和難教睦媒氏陰禮教親故屬
師保氏

司市

下大夫二人上士四人中士八人下士十有六人府四人史八人胥十有二人徒百

有二人掌市之治教政刑量度禁令以次叙分地

而經市以陳肆辨物而平市以政令禁物靡而均市以商賈阜貨而行布以量度成賈而徵價以質劑結信而止訟以賈民禁僞而除詐以刑罰禁黷而去盜以泉府同貨而歛賒大市日廼而市百族爲主朝市朝時而市商賈爲主夕市夕時而市販夫販婦爲主凡入市則胥執鞭度守門市之群吏平肆展成奠賈上旌于思次以

令市市師涖焉而聽大治大訟胥師賈師涖于
介次而聽小治小訟凡萬民之期于市者辟布
者量度者刑戮者各於其地之叙凡得貨賄六
畜者亦如之三日而舉之凡治市之貨賄六畜
珍異亡者使有利者使阜害者使亡靡者使微
凡通貨賄以壘節出入之國凶荒札喪則市無
征而作布凡市僞飾之禁在民者十有二在商
者十有二在賈者十有二在工者十有二在市刑
小刑憲罰中刑徇罰大刑扑罰其附于刑者歸

于士國若過市則刑人赦夫人過市罰一幕世

小刑憲罰中刑狗罰大刑扑罰其附于刑者歸
于士國若過市則刑人赦夫人過市罰一幕世
子過市罰一轡命夫過市罰一蓋命婦過市罰
一帷凡會同師役市司帥賈師而從治其市政
掌其賣償之事

司市乃市官之長故於市政無所不統吳氏
曰治謂平交易之法教謂明信義之理政謂
總胥賈之治刑謂制盜賊之暴量斗斛也度
丈尺也按以次叙分地而經市者次合也司
市之次居中每二十四則爲胥師之次其餘

邸肆各有行列次叙既定則市中如布帛之
有經矣以陳肆辨物而平市者陳物于肆美
惡不混其價自顯而平矣以政令禁靡而均
市者物貨靡細易售而無用禁之市乃均也
以商賈阜貨行布者貨湏商賈而阜泉湏商
賈乃行通商惠賈毋困之也以度量徵債者
度量同市價公然后商賈願藏于市徵召也
如召之至也以質劑止訟者質劑明信義成
然后人心信服而自無訟也以賈民除詐者

老價年高知物價知人情偽伎之莫賈則詐

然后人心信服而自無訟也以賈民除詐者
老價年高知物價知人情僞伎之莫價則詐
僞除也執盜賊而刑之則市人安貨之未售
者歛之民之無價者賒之公私相通是爲同
貨則商不困此八者皆所以爲市之政令也
日昃日過中之時百族舉王國而言市雜聚
之處言主者謂其多者也百族必容來去商
賈家於市城販夫販婦朝資夕賣因其便而
分爲三時之市所以了物極衆凡市者三時
之市也應期而入胥乃執鞭守門以防奸盜

度者受也刻丈尺于受而未繫以鞭可以量物又可以刑人也群吏者胥師以下也自胥師以至肆長均平其肆展視物色以奠定其價也思次者市之候樓司市監旌于候樓乃令開易而交易于時市師蒞焉其時有大治大訟因而聽之介次者二十肆所設之亭也于時有小治小訟則胥師買師蒞而聽焉市既定期萬民畢赴若擁于一處則百務滯矣故須各于其叙分治之辟布者法所應用之

布則赴其當輸處輸之量度者欲較斗丈則

布則赴其當輸處輸之量度者欲較斗丈則
赴當較處較之刑戮者有罪當刑則赴行刑
處刑之各赴于其叙則事雖繁而人不雜矣
至于得遺物者亦使置其地焉貨于貨之肆
馬于馬之肆則失主求之易也三日而無識
認者舉之沒入官也凡物利于民者使之阜
通害于民者當絕之吳氏曰古者命市納賈
以觀民情之好惡亡者使有利者使阜則貴
其賈以來之示民以其所當好也害者使亡

靡者使微則賤其賈以抑之示民以其所當惡也因民情之好惡而占風俗之美惡國之治否繫焉阜則不止于有也漸以積之而已微則未至于亡也漸以革之而已璽卽印章如今斗檢封矣使人執之以通商以出貨賄者王之司市也以內貨賄者邦國之司市也鄭氏曰有災害物貴市不稅爲民乏困也金銅無凶年因物貴大鑄泉以饒民也僞飾之禁所以俱十二者工不得作賈不得鬻商不

得資民不得畜王制所言人皆易見非僞飾也本假物也飾則如真本美物也攬和以假則莫辨此僞售而脫價故禁之市中所犯多小刑也故以憲狗扑三等之刑刑之吳氏曰憲罰書其所犯播告于市也狗罰號令之于衆也扑罰鞭扑其背體以懲之也至于有麗于大罪者司市不自決歸于士師市者人所交利而行刑之處也君子無故不遊觀焉若遊觀則施惠以爲說也國君則赦其刑人夫

人世子命夫命婦則使之出罰異尊卑也所
罰謂憲狗扑也必罰幕帟蓋帷者市者衆也
此四物者在衆之用也賈氏曰憲狗刑之輕
者而赦之使出帷幕難備之物何也出物雖
重而無耻憲狗雖輕而有愧故以出物爲輕
也會同師旅大衆所聚之時也商賈亦利于
粥物故司市帥賈師以往因爲治其市政貿
易之事

葉氏曰治市之政大要有三一曰均通利二

曰禁爭利三曰抑趨利朝時而市商賈爲主

葉氏曰治市之政大要有三一日均通利二

曰禁爭利三曰抑趨利朝時而市商賈爲主
以其市貨之多而可賣償也日昃而市百族
爲主以其家貨所出而得賣買也夕時而市
販夫販婦爲主以其資商賈百族之貨而得
夕賣也此豈非通民之利而必使均乎國君
過市則刑人赦市非遊觀之地而國君過焉
必有所規於民君尊而不可行罰故使之赦
刑人而施惠以爲悅也夫人過市則罰一幕
世子過市則罰一帑命夫罰蓋命婦罰帷以

過市而必有罰况敢與民爲市邪此豈非爭
民之利而必有禁乎凡市僞飾之禁在民在
商在賈在工者皆十有二此禁僞而除詐也
凡治市之貨賄六畜珍異亡者使有利者使
阜害者使亡靡者使微此禁物靡而均市也
又豈非民趨末利而必有抑之者乎昔者神
農氏作日中爲市而聖人必先之以理財正
辭禁民爲非曰義母亦曰國以義爲利不以
利爲利歟或者則曰孟子嘗謂市廛而不征

關市譏而不征今廛人有市歛布總布質布

利爲利歟或者則曰孟子嘗謂市廛而不征

關市譏而不征今廛人有市紵布總布質布
罰布廛布之歛泉府曰掌市之征布司門曰
譏出入不物者征其貨賄司關曰司貨賄出
入與其征廛是市廛門關有征矣不知先王
之制旣稅其物則必不征其廛旣征其廛則
必不稅其物二者通融而行所謂廛而不征
法而不廛是也至於司門幾出入不物者正
其貨賄凡財物犯禁者舉之則司市僞飾之
禁也輕則征重則舉不亦宜乎司關凡質不

出於關者舉其貨罰其人亦其犯偽飾之禁
 而不敢從關出入者輕則出征塵之稅重則
 行舉沒之罰亦宜也初豈於商賈之常物既
 征之於市塵又征之於關門乎後人不明此
 意徒見周人有市塵門關之征遂以四者合
 取而並行之商賈亦重困矣

質人

中士二人下士四人凡二人
 史二人胥二人徒二十人

掌成市之貨

賄人民牛馬兵器珍異凡賣債者質劑焉大市
 以質小市以劑掌稽市之書契同其度量壹其

厚制巡而教之犯禁者舉而罰之凡治質劑者

以質小市以劑掌稽市之書契大同其度量壹其
淳制巡而教之犯禁者舉而罰之凡治質劑者
國中一旬郊二旬野三旬都三月邦國朞期內
聽期外不聽

質平成也市人以此官爲質是貿易之所取
信也成亦平也平物賈而來主成其平也人
民奴婢也珍異四時食物之異者也質劑爲
之券以藏之也大市人民馬牛之屬用長券
小市兵器珍異之屬用短券民之賒貸取予
市物必有券書或刻木或書竹也旣爲藏其

券之一以為信又為同其丈尺斛斗也又為
 一其淳幅之廣制匹之長使皆中度量凡執
 券契來訟者以期內來則治之後期不治所
 以絕民之好訟且息文書也其期限各以地
 之遠近為差



塵人

中士二人下士四人府二人
 史二人胥二人徒二十人

掌歛市歛布

總布質布罰布塵布而入于泉府凡屠者歛其
 皮角筋骨入于玉府凡珍異之有滯者歛而入
 于膳府

塵市中之空地賈人所居之屋歛布者列肆

廛市中之空地賈人所居之屋紵布者列肆
之稅布也總一爲僥無肆立持者之稅也質
布者質人之所罰犯質劑之泉也罰布者犯
市令之泉也廛布者諸貨邸舍之稅也此五
布廛人歛之皆入于泉府用以歛市中不售
之貨此官與泉府相聯一散一歛以權百貨
以其流通如泉故名泉府屠殺六畜者凡皮
角筋骨堪飾噐用者歛入玉府以當稅滯讀
如沉滯之滯珍異四時食物也不售而在廛

久則將腐敗以征布買之入膳府所以紓民
事而官不失實卽法而不塵之意

胥師

二十四則一人皆二史

各掌其次之政令而平其貨

賄憲刑禁焉察其詐僞飾行僨慝者而誅罰之
聽其小治小訟而斷之

胥師二十四則一人次謂介次所轄者憲謂
表懸市刑市禁凡詐僞有飾僞物而行之者
有造惡物而僨之者聽訟卽上文胥師賈師
涖于介次而聽小治小訟也

賈師

二十四則一人皆二史

各掌其次之貨賄之治辨其

物而均平之展其成而奠其賈然後令市凡天
患禁貴儻者使有恒賈四時之珍異亦如之凡
國之賣儻各帥其屬而嗣掌其月凡師役會同
亦如之

賈師二十四則一人所涖之次與胥師數同

胥師掌其治賈師掌其價也其展成奠賈異

者以老賈知物價也凡商人平時賤價買物
急時索高估以貿故凡貯米穀以待饑年蓄

棺槨以待喪札者皆禁其貴賣使如平常之
價及祭祀所用珍異亦賤買而乘急貴賣者
皆禁之月令四時有珍異之物皆先薦寢廟
官有所斥令賣賈師帥其屬而更代直月爲
官賣之均勞逸也大宰亦云幣餘謂占賣國
之斥幣其屬者賈師之下有群賈亦二肆則
一人者使之更互相代也

司馯

十肆則一人

掌憲市之禁令禁其鬪囂者與其

馯亂者出入相陵犯者以屬遊飲食于市者若

不可禁則搏而戮之

不可禁則搏而戮之

憲市之禁令立市法之禁令也禁以約束之
令以開諭之鬪者以力爭囂者以口競競者
虐物亂者悖理出入陵犯謂恃強以相陵屬
遊飲食謂群飲而敗禮若此者皆禁之有不
從禁者則執而戮之

司稽

五肆則一人

掌巡市而察其犯禁者與其不物

者而搏之掌執市之盜賊以徇且刑之

稽猶察也市肆之間奸惡所萃司稽巡行市

中察其買賣之犯禁者與異言異服者而執之市之盜賊無過小盜得以狗扑之

胥二肆則一人各掌其所治之政執鞭度而巡其前

掌其坐作出入之禁令襲其不正者凡有罪者撻戮而罰之

胥二肆則一人鞭度如上文守門者以及爲鞭而量物也襲謂掩捕其不正者罰之即上

云罰布者犯市令之布也

肆長每肆則一人各掌其肆之政令陳其貨賄各相

近者相遠也實相近者相爾也而平正之歛其

肆長一人
各掌其肆之政令
陳其貨賄
久
近者相遠也實相近者相爾也而平正之歛其
總布掌其戒令

一肆立一長使之檢校一肆之事若今之行
頭者如均之布帛精麤貴賤相遠者則使之
相遠其實相近者乃使之相邇恐售欺故別
異之肆長各主一肆故罰無肆立持者之市

泉府

上士四人中士八人下士十有六人
府四人史八人賈八人徒八十人

掌以

市之征布歛市之不售貨之滯於民用者以其
賈買之物揭而書之以待不時而買者買者各

從其抵都鄙從其主國人郊人從其有司然後
予之凡賒者祭祀無過旬日喪紀無過三月凡
民之貸者與其有司辨而授之以國服爲之息
凡國事之財用取具焉歲終則會其出入而納
其餘

征布者卽上廛人歛布以下之布並入泉府
而藏之市貨有積滯而不售者官以泉而買
之所以便商非爲其賤而買之也每物書其
價而揭之以待不時而賣所以便民非爲其

貴而賣之也買者各從其抵抵本也本商先

價而揭之以待不時而賣所以便民非爲其

貴而賣之也買者各從其抵抵本也本商先
前所買之本價也至此不售而官爲賣之亦
從其原價不得爲低昂也都鄙從其主者國
人郊人從其有司然後予之也民有喪祭之
事無所乞貸而賒於官者官給其物以應之
立期收償而無息也民有貸物於官者與其
有司辨其物定其償以授之還本之後使服
役於國中各有日數以爲息所謂以國服爲
息也國之經費取具於此每歲之終會其泉

府所出與塵人所入者若有餘財則歸諸職幣所謂幣餘之賦是也王昭明日貸從代謂假此物以他物代還也國服謂公役息保息之息言民貧甚喪祭用無措從官貸與比閭之長辨而授之但使其爲國服役爲償使民得以其力濟其急乏也

司門

下大夫二人上士四人中士八人下士十有六人府二人史四人胥四人徒四十人

掌授管鍵以啟閉國門幾出入不物者正其貨賄凡財物犯禁者舉之以其財養政之老與其

祭祀之牛牲穀系焉監門養之凡歲時之門受

賄凡財物犯禁者舉之以其財養政之老與其
孤祭祀之牛牲繫焉監門養之凡歲時之門受
其餘凡四方之賓客造焉則以告

王城十有二門司門掌授管鍵以晨啓昏閉
管謂齋鍵謂牡不物衣服瞻視不與衆同及
所操物不如品式者犯禁非民常用之物淫
靡詐僞違制者死政之老死國事者之父母
也孤其子所謂門關之委積以養老孤是也
散祭祀之牲則不在牢遣此監門門徒養之
不必三月四時祭門及祈禱之祭則受其餘

賓客至門告于王止客以俟迎

司關

上士二人中士四人府二人史四人胥八人徒八十人

掌國貨之節

以聯門市司貨賄之出入者掌其治禁與其征
塵凡貨不出於關者舉其貨罰其人凡所達貨
賄者則以節傳出之國凶札則無關門之征猶
幾凡四方之賓客啟關則為之告有外內之送
令則以節傳出內之

王畿之疆因險固道塗之便封溝立關焉屬
司門關統于門也貨節商本所發司市之壘

節也自外來者則察其節而書其貨之多少

節也自外來者則案其節而書其貨之多少
通之國門國門通之司市自內出者司市爲
之璽節通之國門國門通之關門參相聯以
檢猾商征璽者貨賄之稅與所止之邸舍也
關下亦有邸舍商人于關停止則有稅如市
之璽不出于關謂從私道出辟稅者則沒其
財而撻其人商或取貨於民間無璽節者至
關關爲之璽節及傳出之其有璽節亦爲之
傳傳如今移過所文書無征寬民猶幾察非

常慎災變也畿外諸侯來朝使卿大夫來大
聘小聘但至關門皆先謁關人關人止客則
奔告王王使小行人逆勞於畿也節傳出內
者謂從諸侯之國來畿外而入者則關人以
節及傳內之至王有王命從王國而出則亦
以節傳出之送至畿上也王氏曰關門之設
以豫不虞而無守禦之兵何也蓋城郭溝池
有掌固道路之阻有司險封疆之守有掌疆
皆夏官事地官主守土王畿吏民統焉而特

皆夏官事地官主守土王畿畿吏民統焉而特
掌門關之管鍵雖大司馬之屬有出入而無

節固亦得而苛問之矣此其防至遠後世以

門關管鍵並屬于大司馬豈知周公之意哉

掌節

上士二人中士四人府二人
史四人胥二人徒二十人

掌守邦節而

辨其用以輔王命守邦國者用玉節守都鄙者

用角節凡邦國之使節山國用虎節土國用人

節澤國用龍節皆金也以英蕩輔之門關用符

節貨賄用璽節道路用旌節皆有期以反節凡

通達於天下者必有節以傳輔之無節者有幾

則不達

官

節信也行者持以爲信王有命則別其節之
用以授使者二牧監方伯之國者使之節以
玉畿內諸侯近至尊而屈使之節以犀角山
多虎平地多人澤多龍各鑄金象之必自以
其國所多者以相別爲信也蕩竹也以竹爲
函加以畫飾而盛其節使不損壞也符節刻
文于竹長五寸漢竹使符倣此以送令出入
璽節今之印章旌節所謂析羽爲旌也貨賄

事煩用印章而已國徵令及民遷徙鄉遂大
夫以旌節行之及節有期防日久假擅有行
也必有節言遠行無不得節而出者傳謂驛
郵傳所齎操及所適也無節則門關道路必
譏察以防姦細而不使行也

周禮說卷之五終

浙江



浙江圖書館



浙江圖書館

浙江圖書館善本

甲登記號： 000714

一九 年 月 日



浙江圖書館



Blue Cyan Green Yellow Red Magenta White 3/Color Black

© The Tiffen Company, 2007

TIFFEN Color Control Patches

centimetres

8 7 6 5 4 3 2 1 1 2 3 4 5 6 7 8 9 10 11 12 13 14 15 16 17 18 19



浙江圖書館



浙江圖書館



1 2 3 4 5 6 7 8 9 10 11 12 13 14 15 16 17 18 19 20

Centimetres

TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/Color Black